



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ № ՎԿ - 001

«ՎԱՐՉԱԿԱՆ ԻՐԱՎԱԽԱՆՏՄԱՆ ՎԵՐԱԲԵՐՅԱԼ ԳՈՐԾԻ ՎԱՐՈՒՅԹԸ ԿԱՐՃԵԼՈՒ ՄԱՍԻՆ»

ք. Երևան

«03» Հունվարի 2023թ.

1. Վարչական իրավախախտման վերաբերյալ գործի նկարագրությունը.

Երևան քաղաքի Շենգավիթ վարչական շրջանի ղեկավարի աշխատակազմի աշխատակից Հ. Թումանյանի կողմից 24.10.2022 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 154-րդ հոդվածի 1-ին մասով նախատեսված վարչական իրավախախտում, մասնավորապես՝ քաղաքացի Վլադիմիր Հրանտի Ջանոյանի կողմից Երևան քաղաքի Արտաշիսյան փողոցի հ. 44/4 շենքի թիվ 3 հասցեում ինքնակամ իրականացվել է մուտքի կազմակերպման շինարարական աշխատանքներ, պատուհանի բացվածքի ֆիզիկական չափերի փոփոխությամբ, որի վերաբերյալ 27.10.2022 թվականին կազմվել է վարչական իրավախախտման վերաբերյալ թիվ Ա-000385 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Հարուցված վարչական վարույթի շրջանակներում 22.12.2022 թվականին՝ գործի քննությանը ներկայացել է քաղաքացի Վլադիմիր Հրանտի Ջանոյանը (նույնականացման քարտ՝ 012099214, տրված 16.03.2021 թվականին 003-ի կողմից): Վերջինս բացի «Բացատրագիր» վերտառությամբ նյութում տրված բացատրությունից հայտնեց նաև, որ աշխատանքները կատարել է կենցաղային անհարմարությունից ելնելով: Աշխատանքները կատարվել են արձանագրությամբ վկայակոչված ժամանակամիջոցից ավելի վաղ, մասնավորապես՝ հուլիս ամսին:

Քաղաքացի Վլադիմիր Հրանտի Ջանոյանի կողմից գործի քննությունն իրականացնող պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

Նշվածի հիման վրա, ինչպես նաև գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ քննությունն ապահովելու, կողմի համար հնարավոր բարենպաստ փաստական հանգամանքներ ձեռք բերելու, այդ թվում՝ շինարարական աշխատանքների կատարման ժամանակի վերաբերյալ, քանի որ այդ հանգամանքի բացահայտումն ունի առանցքային նշանակություն գործի ելքի համար, ուստի գործի քննությունն իրականացնող անձի կողմից որոշվել է համապատասխան հարցում կատարել Երևան քաղաքի Շենգավիթ վարչական շրջան, շինարարական աշխատանքների կատարման ժամանակամիջոցի հստակ բացահայտման նպատակով, որի կապակցությամբ Երևան քաղաքի Շենգավիթ վարչական շրջան է առաքվել 23.12.2022 թվականի հ. 07/Ն/44453-22 գրությունը:

Երևան քաղաքի Շենգավիթ վարչական շրջանի ղեկավարի 29.12.2022 թվականի հ. 22/01-Ն/44453 գրությամբ տրվել է պարզաբանում այն մասին որ. «.....27.10.2022 թվականին քաղաքացի Վլադիմիր Ջանոյանի նկատմամբ կազմված թիվ Ա-000385 արձանագրությունը և արձանագրության կից փաստաթղթերը /գրավոր ապացույցները/ վարչական շրջանի ղեկավարի 28.10.2022 թվականի հ. 22/01-Ն/33152 գրությամբ ուղարկվել են Երևանի քաղաքապետարան»:

Նման պայմաններում գործի քննությունն իրականացնող իրավասու պաշտոնատար անձին չի ներկայացվել իրավախախտման կատարման ժամանակի վերաբերյալ համապատասխան ապացույց:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, անշարժ գույքի նկատմամբ պետական գրանցման վկայականի պատճենը, Երևան քաղաքի Շենգավիթ վարչական շրջանի ղեկավարի 28.10.2022 թվականի հ. 22/01-Ն/33152, 29.12.2022 թվականի հ. 22/01-Ն/44453 գրությունները, ինչպես նաև քաղաքացի Վլադիմիր Հրանտի Ջանոյանի կողմից տրված բացատրությունները և լուսանկարները:

3. Գործի քննությունն իրականացնող իրավասու պաշտոնատար անձի պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց, որ արձանագրությամբ և կից նյութերով չի ապացուցվում քաղաքացի Վլադիմիր Հրանտի Ջանոյանի կողմից Երևան քաղաքի Արտաշիսյան փողոցի հ. 44/4 շենքի հ. 3 հասցեում պատուհանի բացվածքի ֆիզիկական չափերի փոփոխությամբ մուտքի կազմակերպման շինարարական աշխատանքների նոր կատարված լինելու փաստական հանգամանքը, քանի որ արձանագրությամբ վկայակոչվում է վարչական իրավախախտման հատկանիշներ պարունակող արարքի հայտնաբերման ժամանակահատվածը, սակայն բացակայում է տեղեկատվություն շինարարական աշխատանքների կատարման ժամանակամիջոցի վերաբերյալ, որպիսի փաստական հանգամանքը բացահայտելու նպատակով կատարված հարցմանը Երևան քաղաքի Շենգավիթ վարչական շրջանի ղեկավարի աշխատակազմի կողմից չի ներկայացվել համապատասխան ապացույց ի հերքումն քաղաքացի Վլադիմիր Հրանտի Ջանոյանի կողմից ներկայացված դիրքորոշմանն, ուստի հաշվի առնելով, որ արձանագրության կազմման պահին արդեն իսկ լրացել է Օրենսգրքի 37-րդ հոդվածով սահմանված իրավախախտումը կատարվելու օրվանից վարչական տույժ նշանակելու երկամսյա ժամկետն, ուստի քաղաքացի Վլադիմիր Հրանտի Ջանոյանի նկատմամբ հարուցված վարչական վարույթը ենթակա է կարճման:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

«Վարչարարության հիմունքների և վարչական վարույթի մասին» օրենքի 10-րդ հոդվածի 1-ին մասի համաձայն՝ վարչական մարմնի կողմից քննարկվող փաստական հանգամանքների վերաբերյալ անձի ներկայացրած տվյալները, տեղեկությունները

համարվում են հավաստի բոլոր դեպքերում, քանի դեռ վարչական մարմինը հակառակը չի ապացուցել:

Արգելվում է անձանցից պահանջել իրենց ներկայացրած տվյալները, տեղեկությունները հավաստող փաստաթղթեր կամ լրացուցիչ տեղեկություններ, եթե այդ պահանջը սահմանված չէ օրենքով:

Օրենսգրքի 37-րդ հոդվածի համաձայն վարչական տույժը կարող է նշանակվել իրավախախտումը կատարվելու օրվանից ոչ ուշ, քան երկու ամսվա ընթացքում, իսկ շարունակվող և տևող իրավախախտման դեպքում՝ այն բացահայտվելու օրվանից երկու ամսվա ընթացքում, բացառությամբ սույն հոդվածով նախատեսված դեպքերի:

Օրենսգրքի 154-րդ հոդվածի 1-ին մասի համաձայն՝ սեփականության կամ հողօգտագործման իրավունք ունեցող անձանց կողմից այդ հողամասի վրա շենքեր և շինություններ ինքնակամ կառուցելը, ինչպես նաև բազմաբնակարան շենքերում կամ շենքերին կից ինքնակամ կառույցներ կատարելը առաջացնում է տուգանքի նշանակում՝ սահմանված նվազագույն աշխատավարձի երկու հարյուրապատիկի չափով:

Օրենսգրքի 247-րդ հոդվածի 7-րդ կետի համաձայն՝ վարչական իրավախախտման վերաբերյալ գործի քննության պահին սույն օրենսգրքի 37-րդ հոդվածով նախատեսված ժամկետներն անցնելը:

Ելնելով վերոգրյալից և ղեկավարվելով Օրենսգրքի 154-րդ հոդվածի 1-ին մասով, 219.1-րդ, 247-րդ, 252-րդ, 281-րդ և 282-րդ հոդվածներով, Երևանի քաղաքապետի 30.05.2022 թվականի թիվ 1986-Ա որոշմամբ՝

ՈՐՈՇԵՑԻ

1. Քաղաքացի Վլադիմիր Հրանտի Զանոյանի նկատմամբ 27.10.2022 թվականին կազմված վարչական իրավախախտման վերաբերյալ թիվ Ա-000385 արձանագրության հիման վրա քաղաքացի Վլադիմիր Հրանտի Զանոյանի նկատմամբ հարուցված վարչական վարույթը Օրենսգրքի 247-րդ հոդվածի 7-րդ կետի համաձայն կարճել:

2. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՊԵՏԻ ՏԵՂԱԿԱԼ՝



ԱՐԱՄ ՄԱՐՏԻՐՈՍՅԱՆ